



Publicaziuns dalla vischnaunca, jamna 10

Damonda da baghegiar

2019-1008.000

Datum dalla publicaziun: 8 da mars

Il patrun: Meglieraziun funsila, Disentis/Mustér, Via Cons 2, 7180 Disentis/Mustér

Il representant: Iso Mazzetta, biro d'inschignier, Via Lucmagn 7, 7180 Disentis/Mustér

Object: Sanaziun dils parcadis publics en connex cun la via dalla meglieraziun funsila nr. 49, parcelas 463 e 467, Via Mumpé Tujetsch, 7186 Segnas

Protestas:

Ils plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 5 da mars 2019

Uffeci da baghegiar Disentis/Mustér

Controlla da habitonts

Mortoris

Luisia Agata Levy-Giger, naschida ils 31 da schaner 1950, morta igl 1. da mars 2019.

Leci Ignazi Cavegn, naschius ils 3 da november 1924, morts igl 1. da mars 2019.

Anton (Toni) Venzin, naschius ils 2 d'avrel 1936, morts ils 3 da mars 2019.

Nossa scola populara Mustér – dis dallas portas aviartas 2019

Geniturs ed autras personas interessadas han la pusseivladad da visitar lur affons duront l'instrucziun, e quei sco suonda:

mesjamna, ils 20 da mars 2019 (7.45–11.10/12.00)

gievgia, ils 21 da mars 2019 (7.45–16.10)

venderdis, ils 22 da mars 2019 (7.45–16.10)

Per evitar malruaus giavischein nus da visitar l'entira lecziun. Il affons e las personas d'instrucziun selegran da Vossa viseta! Il uraris da tuttas classas anfleis Vus sin nossa pagina d'internet: www.scoladisentis.ch
Sin bien seveser e cordials salids!

Nossa scola populara Mustér

Entrada anticipada en scoletta

Mintgamai igl uost entran ils affons che han cumplenu il tschunavel onn da vegliadetgna tochen ils 31 da december dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon. In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto corrispunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffernadi en scoletta. Dapli informaziuns survegnan geniturs interessai tiel meinascola Roger Tuor, 081 936 44 25, meinascola@scoladisentis.ch
Annunzias san vegnir inoltradas tochen ils 15 da mars 2019. Annunzias suenter quei termin san buca pli vegnir risguardadas.

Cordials salids *Nossa scola populara Mustér*



Cumin da senioras e seniors

Invitaziun al cumin da senioras/seniors dallas vischnauncas Tujetsch, Mustér, Medel, Sumvitg, Trun, Breil/Brigels. L'idea ei da haver sper purschidas permanentas e regularas per senioras/seniors en mintga vischnaunca era pliras purschidas suls cunfins dallas vischnauncas, e quei mintgamai en in'otra vischnaunca. L'entschatta fagein: **gliendisdis, ils 25 da mars**, allas 17.45 en halla Cons a Mustér cun la suandonta purschida gratuita:

- Referat d'Eveline Widmer-Schlumpf, anteriura cussegliera federala cul tema:
 - «Lebensgestaltung nach der Pensionierung»
 - resentaziun d'ideas/purschidas per eventualas occurrenzas comunablas
 - Aperitiv
- Buc emblidar da s'annunziar!

Biblioteca populara Disentis/Mustér e contuorn

Oz en la biblioteca

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrèenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei! Cun ils pli cars salids

Mats, la miur ed il team dalla Biblioteca populara Disentis/Mustér e contuorn

Cinema Salaplauna «Bodenlos» (CH 2017)

Mittwoch, 20. März, Center sursilvan d'agricultura, Disentis/Mustér.

Jeden Tag gehen in der Schweiz durchschnittlich drei Bauernbetriebe ein. In den letzten zehn Jahren waren mehr als 10000 Höfe betroffen. In «Bodenlos» werden vier Bauernbetriebe über ein Jahr begleitet. Alle befinden sich in einer entscheidenden Phase ihrer Existenz. Der Film zeigt das Schicksal von Familien, das Ende von Traditionen, Geschichten zwischen Hoffnung, Realität und Enttäuschung. Türöffnung 19.30 Uhr, Filmstart 20 Uhr. Eintritt frei, Kollekte.

Invitaziun Seniors-Ca

Gievgia, ils 14 da mars 2019, allas 12.00 en casa da scola (cuschina) Mustér.

Gentar sut il motto: senioras/seniors cuschanan per senioras/seniors. (in gentar da treis tratgas per in fetg favoreivel prezi – silsuenter troccas/jass/giugs e star da cumpignia). Annunzia pil gentar tochen gliendisdis, ils 11 da mars 2019, allas 17.00 a Puntreis sut 081 929 56 56. Il diember da plazs ei limitaus.

Post d'informaziun *Seniors-Ca*



Uniun samaritana Mustér

Nies proxim exercezi meinsil ha liug **gliendisdis, ils 11 da mars 2019**, allas 19.30 en casa da scola a Mustér. Sperond sin stedia participaziun salida *Martina*

Prelecziun da Hubert Giger

ord siu roman historic «La stria da Dentervals» Tgei ei ina stria? Il historicher ed autur Hubert Giger raquenta sur da strias. El legia ord siu roman da success «La stria da Dentervals» sco era ord siu toc dil teater el liber che vegn inscenaus la primavera a Sontga Gada/Mustér. **Mesjamna, ils 20 da mars 2019** allas 20.00 en la Biblioteca populara Disentis/Mustér e contuorn. Suenter offerin nus in pign apero. Entrada libra. Nus selegrein sin bia auditurs!

Biblioteca populara Disentis/Mustér e contuorn

Club da tennis Mustér

Radunonza generala

Venderdis, ils 15 da mars 2019, allas 19.00 Canzlia communal Mustér, sala da seduta

Tractandas:

1. Beinvegni
2. Elecziun dumbravuschs
3. Protocol dalla radunonza generala dils 10-3-2018
4. Rapports
 - President
 - Interclub
 - Meinaturnier
 - Juniors
5. Quen 2018 e rapport dils revisurs
6. Contribuziuns annualas
7. Budget 2019
8. Elecziuns
 - President
 - Responsabel Interclub
 - Cau da material
 - Meinaturnier
 - in/a revisur/a da quen
9. Program da stad
10. Varia

Cordialmein envida *Suprastonza Club da tennis Mustér*



Trofea Péz Ault

Ils 23 e 24 da mars 2019

Cuorsa populara da skis da turas e cuorsa finala dil cup mundial

Sonda, ils 23 da mars, Individual Race naven da Caischavedra al Péz Ault

8.30 Partenza umens elita ed espoir

8.40 Partenza dilis umens juniors

8.45 Partenza damas elita ed espoir

9.00 Partenza junioras (a Gendusas)

Cuorsa populara

8.50 Partenza per la ruta Verclisa

9.30 Partenza per la ruta Gendusas

Dumengia, ils 24 da mars, Vertical Race da S. Catarina a Caischavedra

8.15 Partenza dalla categoria populara

9.00 Partenza junioras (a Peisel)

9.15 Partenza damas elita ed espoir

9.30 Partenza umens elita ed espoir

9.35 Partenza juniors

Informaziuns detagliadas ed annunzias: www.trofea.ch

Cordials salids *Giusep Venzin, Darvella sut*

Apparat d'udida

Gliendisdis, ils 18 da mars 2019 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Uniun da gymnastica UGM

Invitaziun alla radunonza generala, **venderdis, ils 15 da mars 2019**, allas 19.30 el «Hotel Alpsu». Suenten la radunonza vegn offeriu l'usitada tscheina.

La suprastonza